

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-1550/25-AP-3
Datum: 10.07.2025. godine

GRADSKO VIJEĆE ZAVIDOVIĆI
n/r PREDSEDavajuća GRADSKOG VIJEĆA
Hadžić dr Amira, spec. radiolog

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljena:	11-07-2025		
Org. jed.	Kl. ozna.	Red. broj	Br. priloga
01	04	1568/25	

PREDMET: Izvještaj o radu i finansijskom poslovanju
mjesnih zajednica u 2024. godini, dostavlja se

U prilogu akta dostavljam Vam Izvještaj o radu i finansijskom poslovanju mjesnih zajednica u 2024. godini.

Izvještaj o radu i finansijskom poslovanju mjesnih zajednica u 2024. godini dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

Akt pripremila: F. M.
(Fatima Merdanović)

Akt pregledao: N. Č.
(Nermin Čahtarević)



GRADONAČELNICA

mr. iur. Ema Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-1550/25-AP-2
Datum: 10.07.2025. godine

IZVJEŠTAJ

o radu i finansijskom poslovanju mjesnih zajednica u 2024. godini



Broj: 02-04-1550/25-AP-2
Datum: 10.07.2025. godine

GRADSKO VIJEĆE
ZAVIDOVIĆI

PREDMET: Izvještaj o radu i finansijskom poslovanju mjesnih zajednica u 2024. godini

UVOD

Na osnovu člana 14. Privremene Statutarne Odluke Grada Zavidovići („Službeni glasnik Grada Zavidovići“, broj: 4/22), dostavljamo Vam na razmatranje i usvajanje Izvještaj o radu i finansijskom poslovanju mjesnih zajednica za 2024. godinu.

Pravni osnov za donošenje predmetnog Izvještaja sadržan je u odredbi člana 80. Statuta Općine Zavidovići („Službeni glasnik Općine Zavidovići“, broj: 5/2008), u kojoj je propisano da: „Savjet mjesne zajednice za svoj rad odgovara Općinskom vijeću i obavezno mu podnosi godišnji izvještaj o svom radu“, i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22). Rad mjesne samouprave u FBiH uređen je Zakonom o principima lokalne samouprave („Službene novine FBiH“, broj: 49/6), Statutom Općine Zavidovići („Službeni glasnik Općine Zavidovići“, broj: 5/2008) kao i drugim pojedinačnim aktima Grada Zavidovići.

Programom rada Gradskog vijeća Grada Zavidovići za 2025. godinu, predviđeno je da Gradsko vijeće razmatra Izvještaj o radu i finansijskom poslovanju mjesnih zajednica za 2024. godinu. Cilj Izvještaja je sagledavanje stanja rada organa mjesnih zajednica na području Grada Zavidovići u svrhu rješavanja problema za građane mjesne zajednice i efikasnijeg funkcionisanja rada savjeta mjesnih zajednica.

Izvještaj o radu i finansijskom poslovanju mjesnih zajednica za 2024. godinu rađen je na osnovu pojedinačnih Izvještaja mjesnih zajednica na propisanom obrascu za sve mjesne zajednice, vanrednih izvještaja, neposrednog učešća u radu Savjeta kroz prisustvo sjednicama Savjeta, dopisa i svakodnevnih kontakata sa predsjednicima i članovima savjeta mjesnih zajednica. Ovaj Izvještaj Službe je kraći osvrt i pregled na redovan rad mjesnih zajednica, a detaljne Izvještaje shodno Zaključku Gradskog vijeća podnosi predsjednik Savjeta mjesne zajednice na sjednici Gradskog vijeća.

Na području Grada Zavidovići egzistira i djeluje 21 mjesna zajednica, koje su osnovane kao obavezan oblik mjesne samouprave putem kojih građani sudjeluju u odlučivanju o poslovima iz samoupravnog djelokruga i lokalnim poslovima koji neposredno i svakodnevno utiču na njihov život i rad.

Služba za upravljanje društvenih djelatnosti, pitanja boraca i opću upravu je u protekloj godini, po potrebi obilazila mjesne zajednice i prisustvovala sastancima građana, kako bi se zajednički utvrdilo stanje na terenu i eventualno pronašli mogućnost za prevazilaženje problema koji su se pojavili ili su prisutni određeni vremenski period.

Za realizaciju planiranih aktivnosti u mjesnim zajednicama u 2024. godini, sredstva su odobravana iz Budžeta Grada Zavidovići, Budžeta viših nivoa vlasti, kroz projekte kao i učešćem građana.

Mjesne zajednice predstavljaju obavezan oblik mjesne samouprave u jedinici lokalne samouprave, uređene Zakonom o principima lokalne samouprave kao i Statutom Grada Zavidovići. Mjesne zajednice imaju status pravnog lica i imaju svoje statute kojima se utvrđuju: poslovi i organizacija mjesne zajednice, organi mjesne zajednice, radna tijela, način njihovog rada i odlučivanja, javnost rada i informisanja, saradnja sa gradskim i drugim organima i organizacijama i druga pitanja od značaja za rad mjesne zajednice. Pored statuta, mjesne zajednice imaju svoje identifikacione brojeve, rješenja o razvrstavanju djelatnosti od Federalnog zavoda za statistiku, otvoren bankovni račun i samostalne su u svom radu i upravljanju imovinom.

Gradonačelnik/ca i predstavnici nadležnih službi Grada Zavidovići posjećuju mjesne zajednice, posebno prilikom realizacije određenih projekata. Prilikom takvih posjeta direktno se upoznaju sa potrebama stanovnika tog područja, kako bi bili upućeni u aktuelnu problematiku i pronašli adekvatan način rješavanja istih.

Organi mjesne zajednice su:

- Savjet mjesne zajednice,
- Predsjednik mjesne zajednice.

Savjet mjesne zajednice: donosi Statut mjesne zajednice i Poslovnik o radu u skladu sa Statutom mjesne zajednice, usvaja finansijski plan i završni račun, odlučuje o raspolaganju imovinom mjesne zajednice, donosi plan komunalnih akcija i utvrđuje prioritete u njihovoj realizaciji, bira predsjednika i zamjenika predsjednika Savjeta, saziva zborove građana, donosi program rada i izvještaj o radu, sarađuje sa drugim mjesnim zajednicama, a naročito sa susjednim, obrazuje svoja radna tijela, obavlja i druge poslove utvrđene Statutom mjesne zajednice ili koje mu iz samoupravnog djelokruga Grada prenese Gradsko vijeće, a koji su od značaja za mjesnu zajednicu.

Predsjednik Savjeta mjesne zajednice: predstavlja i zastupa mjesnu zajednicu i Savjet mjesne zajednice, saziva sjednice Savjeta, predlaže dnevni red, predsjedava sjednicama Savjeta i potpisuje akte Savjeta, provodi i osigurava provođenje odluka Savjeta i podnosi izvještaje o provođenju odluka Savjeta, sarađuje sa organima i Službama Grada, sudjeluje u provođenju mjera civilne zaštite u skladu sa aktivnostima organa i službi Grada, informiše građane o pitanjima važnim za mjesnu zajednicu, obavlja i druge poslove koje mu povjeri Savjet.

Sredstva za rad mjesnih zajednica, odnosno sredstva za obavljanje poslova koji su iz samoupravnog djelokruga Grada preneseni ili povjereni mjesnim zajednicama obezbjeđuju se u Budžetu Grada. Mjesna zajednica može osigurati prihode za obavljanje svojih poslova i iz: sredstava samodoprinosna, sredstava za usluge koje svojim aktivnostima ostvari, sredstava od imovine i imovinskih prava, sredstava od pomoći, poklona pravnih i fizičkih lica i druga sredstva.

Gradsko vijeće posebnom Odlukom utvrđuje kriterije i ukupnu visinu sredstava u Budžetu Grada za redovan rad i funkcionisanje mjesnih zajednica, kao i kriterije za podjelu tih sredstava na mjesne zajednice, te način i uvjete korištenja tih sredstava.

FINANSIRANJE RADA SAVJETA MJESNIH ZAJEDNICA

Nadzor nad zakonitošću rada organa mjesnih zajednica obavlja Gradonačelnik i nadležne Službe za upravu. Pri Službi za upravu društvenih djelatnosti, pitanja boraca i opću upravu sistematizovano je radno mjesto Viši stručni saradnik za društvene djelatnosti, mjesnu samoupravu, javne ustanove, iseljništvo, socijalnu i zdravstvenu zaštitu koji koordinira rad

svih mjesnih zajednica, pruža pomoć organima mjesnih zajednica te vrši stalnu komunikaciju između Grada i mjesnih zajednica.

Na osnovu člana 31. stav (1) tačka 1. Zakona o principima lokalne samouprave („Službene novine FBiH“, broj: 49/06), člana 86. Statuta Općine Zavidovići („Službeni glasnik Općine Zavidovići“, broj: 5/08 i 5a/08 i 11/19) i Odluke o izvršavanju Budžeta Grada Zavidovići za 2024. godinu („Službeni glasnik Grada Zavidovići“, broj: 13/23), Gradsko vijeće Zavidovići na 21. sjednici od 31.01.2024. godine, donijelo je Odluku o raspodjeli sredstava za redovnu djelatnost mjesnih zajednica u 2024. godini, a koja su namijenjena za redovan rad i funkcioniranje mjesnih zajednica u ukupnom iznosu od 150.00,00 KM. Kriterij za raspodjelu sredstava su:

- 50% prema broju stanovnika iz evidencije MUP-a, Odsjeka za administraciju Zavidovići (broj stanovnika preuzet iz evidencije prijava boravka u MUP-u - Odsjek za administraciju Zavidovići na dan 10.8.2017. godine) - 1,87 KM po jednom stanovniku,
- 50% linearno - 3.571,43 KM.

Linearno raspoređena sredstva su u istom iznosu za sve mjesne zajednice kako se ne bi desilo da zbog nedostatka novčanih sredstava nisu u mogućnosti plaćati račune usluga i uraditi završni račun što je zakonska obaveza svim mjesnim zajednicama. Raspodjelom samo prema broju stanovnika, nekoliko mjesnih zajednica sa manjim brojem stanovnika, dovelo bi do nemogućnosti funkcionisanja i rada mjesnih zajednica sa manjim brojem stanovnika..

U cilju efikasnije kontrole i nadzora nad radom mjesnih zajednica, a u skladu sa Odlukom o raspodjeli sredstava za redovnu djelatnost mjesnih zajednica način pravljenja odobrenih sredstava po tromjesečnim tranšama određen je u članu 4. pomenute Odluke. Na taj način mjesne zajednice prilikom pravljenja ranije doznačenih sredstava uz zahtjev za odobravanje sljedeće tranše dužne su dostavljati narativni izvještaj o utrošku sredstava iz prethodne tranše uz dokaz o utrošku (pravljenje) sredstava i to: ugovor, fiskalne račune, virmane, isplatnice i sl. Za obaveze plaćane virmanom ili isplatnicom dostavljati Odluku savjeta, narudžbenicu i račun po kojem je izvršeno plaćanje te izvod iz banke. Cilj ovakvog načina pravljenja novčanih sredstava je da se svi članovi Savjeta mjesnih zajednica podjednako uključe u rad jer za svaku narudžbenicu, virman ili račun potrebno je da se dostavi i Odluka savjeta mjesne zajednice. Sve mjesne zajednice su dužne, do 5. u mjesecu dostavljati zapisnike sa održanih sjednica savjeta mjesnih zajednica za protekli mjesec, potpisane od strane svih prisutnih na sjednici savjeta ili obavještenje predsjednika mjesne zajednice ukoliko sjednica za taj mjesec nije održana. Bez obzira što je to navedeno u Odluci koju je usvojilo Gradsko vijeće vrlo mali broj mjesnih zajednica dostavlja zapisnike sa održanih sjednica.

Najvažniji stav člana 4. Odluke je da se Savjetima mjesnih zajednica, koji nisu izvršili zakonsku i statutarnu obavezu podnošenja godišnjeg Izvještaja o radu i finansijskom poslovanju, neće odobriti sredstva za redovan rad do ispunjenja te obaveze.

Prema istoj Odluci iz raspoređenih sredstava finansirao se redovan rad, aktivnosti, posebne finansijske obaveze i infrastrukturni projekti mjesnih zajednica. Troškovi redovnog rada su: troškovi komunalnih usluga, električne energije, telekomunikacijske usluge, kancelarijski materijal, održavanje prostorija, troškovi održavanja sjednica savjeta i administrativne usluge savjetu mjesnih zajednica. Od odobrenih sredstava svake tranše, za redovan rad može se utrošiti do 50% doznačenih sredstava. Ostala sredstva se moraju, na osnovu plana aktivnosti i posebnih Odluka savjeta ili zbora građana, opredijeliti za aktivnosti od interesa za građane i infrastrukturne projekte samostalno ili kao učešće u projektima Grada za tu mjesnu zajednicu.

U toku 2024. godine sa transfera za redovan rad mjesnih zajednica utrošeno je ukupno 132.979,33 KM mjesnim zajednicama kako slijedi:

1. MZ „Asim Čamdžić“ – 10.216,50 KM,
2. MZ „Klek“ – 6.173,34 KM,

3. MZ „Branioci grada“ - 7.651,20 KM,
4. MZ „Dolina – Alići“ – 5.516,00 KM,
5. MZ „Pašin Konak“ – 4.754,00 KM,
6. MZ „Mećevići“ – 5.753,00 KM,
7. MZ „Vozuća“ – 1.797,30 KM,
8. MZ „Ribnica“ – 4.947,20 KM,
9. MZ „Rujnica“ – 6.382,80 KM,
10. MZ „Kovači“ – 11.249,00 KM,
11. MZ „Brezik“ – 5.648,00 KM,
12. MZ „Krivaja – Smailbašići“ - 1.938,80 KM,
13. MZ „Gostović“ – 8.955,30 KM,
14. MZ „Dubravica“ – 6.456,40 KM,
15. MZ „Donji Gostović“ – 5.264,80 KM,
16. MZ „Maoča“ – 1.036,20 KM,
17. MZ „Mahoje“ – 4.020,20 KM,
18. MZ „Krivaja“ – 6.808,20 KM,
19. MZ „Stipovići“ – 4.412,00 KM.

Sredstva nisu isplaćena MZ „Lovnica“ zbog blokade računa i MZ „Dolac“ jer nisu pravdali sredstva u skladu sa Odlukom o raspodjeli sredstava za redovan rad.

U skladu sa pozicijom mjesnih zajednica, utvrđene Statutom Grada Zavidovići, Gradsko vijeće jednom godišnje razmatra Izvještaj o radu i finansijskom poslovanju mjesnih zajednica, koji se priprema na osnovu pojedinačnih izvještaja mjesnih zajednica dostavljenih nadležnoj Službi.

Od strane Službe za upravu društvenih djelatnosti, pitanja boraca i opću upravu upućen je mjesnim zajednicama sa područja Grada Zavidovići, zahtjev za dostavu pojedinačnih izvještaja o radu i finansijskom poslovanju mjesnih zajednica za 2024. godinu, broj: 04-45-18/25-AP-99 od 22.05.2025. godine u kojem je navedeno da Izvještaji o radu i finansijskom poslovanju trebaju biti jednoobrazni za sve mjesne zajednice na obrascima koje su mogli uzeti u nadležnoj Službi ili WEB stranici Grada Zavidovići.

SARADNJA SA MJESNIM ZAJEDNICAMA

Tokom 2024. godine Služba za upravu društvenih djelatnosti, pitanja boraca i opću upravu je pismenim putem skoro svakodnevnim konsultacijama bila u komunikaciji zbog rješavanja nejasnoća i problema sa kojima su se u svom radu suočavali savjeti mjesnih zajednica. U nastavku Izvještaja o radu i finansijskom poslovanju donosimo Vam najznačajnije akte u radu nadležne Službe i mjesnih zajednica od početka 2024. godine.

Nakon usvajanja Budžeta za 2024. godinu, Gradsko vijeće je u mjesecu januaru usvojilo Odluku o finansiranju redovnog rada mjesnih zajednica u ukupnom iznosu od 150.000,00 KM, a sredstva su raspoređena prema 2 kriterija (linearno i na osnovu broja stanovnika).

U januaru 2024. godine Služba je pripremila Odluku o raspisivanju izbora za članove Savjeta mjesnih zajednica na području Grada Zavidovići. Gradsko vijeće je usvojilo Odluku i zakazalo izbore za april 2024. godine. Ukupan broj birača koji je imao pravo glasa na izborima za članove Savjeta mjesnih zajednica na području Grada Zavidovići, a na osnovu izvoda iz centralnog biračkog spiska je 34.246 birača, koji je preuzet kod Centralne izborne komisije u Sarajevu. Na izbore je izašlo ukupno 4.884 birača što čini 15% od ukupnog broja registrovanih birača. Ukupno je bio 301 kandidat za članove savjeta mjesnih zajednica. Izbori su održani u svim mjesnim zajednicama (21 mjesna zajednica), dana 14.04.2024. godine u skladu sa pravilima izbornog procesa. Dana 15.04.2024. godine na adresu Izborne komisije, a u roku koji

je propisan, pristigla su tri prigovora od kandidata koji su bili učesnici izbornog procesa za članove Savjeta mjesnih zajednica MZ „Asim Čamdžić“ i MZ „Donji Gostović“ u kojem traže da se izvrši ponovno brojanje glasova, odnosno da se odobri uvid u nevažeće listiće. Dana 19.04.2024. godine u prostorijama zgrade Gradske uprave Zavidovići u Maloj sali je u 16 sati zakazan sastanak na koji su pozvani podnosioci prigovora i Izborna komisija. Na osnovu prigovora koji su podneseni pristupilo se provjeri nevažećih glasačkih listića u MZ „Asim Čamdžić“. Nakon izvršenog uvida od strane kandidata, u prisustvu članova Izborne komisije potpisan je zapisnik bez primjedbi. Nakon toga, pristupilo se ponovnom brojanju svih važećih glasačkih listića za MZ „Donji Gostović“ iz razloga jer je kandidat koji je podnio prigovor tvrdio da su on i jedan od protukandidata za isto naseljeno mjesto imali isti broj glasova i po završetku brojanja svih glasova utvrđeno je da navodi kandidata koji je podnio prigovor nisu osnovani. Također, u ovom slučaju zapisnik je potpisan bez primjedbi. Dana 17.04.2024. godine, nakon roka koji je propisan za podnošenje prigovora također je uložen prigovor od strane kandidata iz MZ „Dolac“, koji navodi da kandidat koji je bio njegov protukandidat za naseljeno mjesto „Blizna“ ne živi u tom naseljenom mjestu, nego u naseljenom mjestu „Dolac“. Prigovor je neblagovremen. Dana, 19.04.2024. godine, nakon roka koji je propisan za podnošenje prigovora također je uložen prigovor od strane kandidata i aktuelnog Predsjednika MZ „Klek“ u kojem traži od Izborne komisije da poništi kandidaturu određenog kandidata za naseljeno mjesto „Potkleče“ i proglasi je nevažećom. Prigovor je neblagovremen. U vezi prigovora MZ „Dolac“ i MZ „Klek“ potrebno je naglasiti: Uputstvom o postupku organizacije i provođenja izbora za članove Savjeta mjesnih zajednica, broj: 01-05-1066-6/24 od 12.02.2024. godine propisan je rok u kojem se podnose kandidature i to od 15.02.2024. godine do 18.03.2024. godine. Nakon toga utvrđene su preliminarne liste kandidata za sve mjesne zajednice i iste su po raspoređivanju kandidata po naseljenim mjestima u sklopu mjesnih zajednica objavljene na oglasnoj ploči i web stranici Grada Zavidovići. Nakon završenih izbora i potvrđivanja mandata izabranim članovima Savjeta od strane Gradskog vijeća, održane su i konstituirajuće sjednice na kojima su Savjeti izabrali predsjednika i zamjenika predsjednika Savjeta, čiji izbor se mogao objaviti u „Službenom glasniku Grada Zavidovići“, osim za Mjesnu zajednicu „Klek“. Služba za upravu društvenih djelatnosti, pitanja boraca i opću upravu zaprimila je dana 08.08.2024. godine Zapisnik sa održane sjednice Savjeta mjesne zajednice „Klek“ na kojoj su članovi Savjeta izabrali predsjednika i zamjenika predsjednika Mjesne zajednice „Klek“. Uz zapisnik o održanoj sjednici dostavljena je i Odluka o izboru predsjednika i zamjenika predsjednika koja je potpisana od strane novoizabranog predsjednika ali bez pečata.

Prema navodima novoizabranih članova savjeta, prilikom održavanja prve konstituirajuće sjednice novoizabranim članovima savjeta uručeni su certifikati o dodjeli mandata, ali ne i pečat mjesne zajednice. S obzirom da se Odluka o izboru predsjednika i zamjenika predsjednika objavljuje u „Službenom glasniku Grada Zavidovići“ kao prepis originalne Odluke potpisane i ovjerene od strane novog predsjednika, Odluku MZ „Klek“ bila je nepotpuna te istu nismo mogli objaviti bez pečata. Rad mjesne zajednice je bio blokiran te konstituisanje Savjeta ni pristup bankovnom računu nije bilo moguće izvršiti. Služba se nekoliko puta pismenim putem obraćala predsjedniku Savjeta iz ranijeg saziva da razduži pečat kako bi mjesna zajednica mogla nesmetano početi sa radom. Iako su izbori održani u aprilu, te Služba pokušavala na razne načine da vrati pečat to se desilo po intervenciji policije 20.11.2024. godine, kada je bivši predsjednik sa novoizabranim članom Savjeta predao pečat rukovodiocu Službe.

U toku 2024. godine Gradski vijećnici su postavljali niz vijećničkih pitanja i upućivali niz vijećničkih inicijativa, a koje su se odnosile na rad mjesnih zajednica. Jedno od tih pitanja

bilo je i pitanje vijećnika Samira Skejića vezano za poteškoće oko uspostave novoizabranog savjeta navedene mjesne zajednice i tražio je arbitražu u uspostavi novog Savjeta.

Službi su se obraćale mjesne zajednice sa raznim zahtjevima za izdavanje potvrda, uvjerenja i pružanje administrativno-tehničke pomoći i podrške.

Jedan od pristiglih zahtjeva koji treba posebno pomenuti bio je od Savjeta mjesne zajednice „Dolina - Alića“, molbom za plaćanje poreza na promet nekretnine na osnovu Ugovora o poklonu između MZ „Branioci grad“ i MZ „Dolina - Alići“. Plaćanjem poreza nekretnina je prešla u vlasništvo Mjesne zajednice „Dolina - Alići“ čime se riješio dugogodišnji problem. Grad Zavidovići je izvršio uplatu u iznosu od 4.500,00 KM.

S obzirom da su nakon održanih izbora za predsjednike Savjeta imenovani novi članovi koji do sada nisu bili u Savjetima, Služba je nastojala pružiti pomoć i savjete kako bi mjesne zajednice nesmetano funkcionisale. U tom smislu, Gradonačelnica i ova Služba organizovali su sastanak između ostalog i edukativnog karaktera za sve članove novih Savjeta svih mjesnih zajednica u Konferencijskoj sali JU „Kulturno-sportski centar“ Zavidovići, dana 13.12.2024. godine.

OSVRT NA PROBLEME U RADU SAVJETA MJESNIH ZAJEDNICA

Na osnovu dostavljenih Izvještaja najaktuelnija problematika u radu savjeta mjesnih zajednica, a koje smo istakli u ovom Izvještaju su:

- nedostatak materijalno-tehničkih sredstava za rad (računarska oprema, kancelarijski materijal, oprema za kancelarije i slično),
- nedostatak prostorija za rad, sanacija, adaptacija i rekonstrukcija postojećih objekata,
- needuciranost članova savjeta mjesnih zajednica, naročito što se posebno odnosi na
- apliciranje na javne pozive,
- neutvrđeno pravo na naknadu troškova za redovan rad članovima Savjeta mjesnih zajednica,
- slabo učešće građana u donošenju važnih odluka Savjeta,
- nedovoljna informisanost građana.

Iz dostavljenih podataka možemo zaključiti da su Savjeti mjesnih zajednica najviše planirali i provodili aktivnosti koje se tiču izgradnje i održavanja lokalnih puteva, čišćenje i održavanje mjesnih prostora, održavanje ulične rasvjete itd. Od ostalih aktivnosti mogu se izdvojiti održavanje spomen-obilježja, obilježavanje značajnih datuma, aktivnosti na uređenju okoliša, zaštite životne sredine kao i rješavanje problema nedostatka ili neuslovnosti prostorija za rad mjesnih zajednica. Stanje infrastrukture u većini mjesnih zajednica nije zadovoljavajuće. Udaljenije mjesne zajednice istakle su problem odvoza otpada i čišćenje snijega u zimskom periodu. Mnoge mjesne zajednice bave se i rješavanjem socijalne problematike. Od sredstava za redovan rad pomažu licima koja su u stanju socijalne potrebe u vidu jednokratne novčane pomoći ili kupovinom prehrambenih paketa. Većina mjesnih zajednica istakla je problem pasa lualica, stvaranje divljih deponija i neadekvatno održavanje lokalnih puteva naročito u zimskom periodu (čišćenje snijega). Međutim, najveći problem koji su iznijeli je manjak finansijskih sredstava za rad kao i nezainteresovanost članova savjeta za rad. Visina novčanih sredstava za redovan rad mjesnih zajednica ne omogućava da članovi savjeta imaju naknadu za svoj rad i većina ih radi volonterski što dovodi do nezainteresovanosti članova za uključivanje u rad savjeta. Problemi u nekim mjesnim zajednicama su neslaganje članova savjeta koji se ogledaju u neradu, ne sazivanju sjednica i zanemarivanju članova savjeta. Prioritet u narednom periodu bit će funkcionalnije uspostavljanje rada savjeta mjesnih zajednica te održavanje zborova kako bi rad bio transparentan, a svi građani uključeni u odlučivanje za projekte koji su

od zajedničkog interesa. Savjeti mjesnih zajednica žele da im se na zahtjeve upućene nadležnim Službama odgovara češće kao i da ih Gradonačelnik i Služba za upravu društvenih djelatnosti, pitanja boraca i opću upravu posjećuju češće kako bi imali uvida na probleme sa terena.

Većina mjesnih zajednica zavisi isključivo od finansiranja iz Budžeta Grada i vlastito učešće građana, dok je vrlo mali broj onih koji imaju i druge izvore finansiranja. Prilikom izrade Izvještaja o radu i finansijom poslovanju iz prethodnih godina, upućene su kritike da se u pojedinim mjesnim zajednicama ponavljaju projekti koji su realizovani ili su u fazi realizacije. Raspodjelom sredstava za redovan rad pojedine mjesne zajednice nemaju novčana sredstva koja su dovoljna za realizaciju određenih projekata. Iz tog razloga nemaju mogućnost da rade projekte za koje su potrebna veća novčana sredstva pa ih rade u fazama kada prikupe potrebna sredstva.

U savjetima 21 mjesne zajednice na području općine Zavidovići angažovano je ukupno 155 članova. Savjeti većine mjesnih zajednica su u 2024. godini redovno održavali sjednice i prema evidentiranim dnevnim redovima u izvještajima iz mjesnih zajednica, mogu se sumirati osnovna pitanja i problematika rada savjeta u izvještajnom periodu. Na dnevnom redu sjednica Savjeta mjesnih zajednica raspravljalo se o raznim tekućim pitanjima i problemima kao što su:

- izvještajni i programski dokumenti rada i finansijskog poslovanja mjesnih zajednica u 2024. godini;
- informacije o finansijskom stanju u mjesnim zajednicama;
- priprema i realizacija projekata na izgradnji, uređivanju ili obnovi infrastrukturnih objekata i objekata od interesa za građane mjesnih zajednica: putevi, rasvjetu, vodovod i kanalizaciju, sportski tereni, poslovni prostor mjesnih zajednica, groblja / mezarja, autobuska stajališta, prikupljanje i odlaganje smeća i drugo;
- analiza potreba i interesa u oblasti civilne zaštite od elementarnih i drugih nepogoda;
- organizacija humanitarnih akcija za korisnike socijalne pomoći i druge socijalne kategorije građana;
- rješavanje imovinsko-pravnih odnosa;
- higijena na području mjesnih zajednica (odvoz smeća, deratizacija, uređenje parkova i prilaza i sl.);
- informacije o realizaciji planiranih projekata;
- obilježavanje značajnih datuma i događaja na području mjesne zajednice;
- organizovanje sportskih i kulturnih manifestaciji u povodu značajnih datuma i vjerskih praznika;
- obilasci područja mjesne zajednice i susreti sa građanima mjesne zajednice;
- organizovanje zborova građana po pojedinim temama;
- materijali Gradskog vijeća (regulacioni planovi, zauzimanje javnih površina, zagrijavanje stambenih i stambeno-poslovnih prostora, Nacrt Budžeta, Program rada GV i sl.);
- pripreme za učešće u javnim raspravama po dokumentima Gradskog vijeća;
- saradnja savjeta i predsjednika savjeta sa lokalnom upravom, udruženjima, školama i privrednim subjektima;
- odabir i predlaganje učenika srednjih škola za besplatne mjesečne karte;
- rješavanje zahtjeva građana prema savjetima mjesnih zajednica;
- problem prijevoza mještana okolnih sela;
- održavanje foruma građana u partnerskim mjesnim zajednicama,
- održavanje izbora,
- izbor predsjednika i zamjenika predsjednika mjesnih zajednica,
- primopredaja arhive.

Problem u radu nekoliko Savjeta izražen je u neredovnom prisustvu sjednicama članova Savjeta koji se nisu odazivali pozivu, a svoju poziciju, obzirom na način izbora članova, nisu ustupali drugima. Prema saznanjima jedan broj njih napustio je BiH i mjesto stanovanja dok pojedini svoj nedolazak pravdaju nemogućnošću da utiču na odluke (nisu bili u tzv. većini).

Problem - samostalno nastupanje pojedinih članova Savjeta bez Odluka ili ovlaštenja Savjeta kao i međusobno neslaganje između članova Savjeta. U toku 2024. godine održano je ukupno 120 sjednica.

Blokada računa MZ „Lovnica“ je jednim dijelom otklonjena izvršenjem obaveze uz pomoć Grada prema „Novoj trgovini“ Žepče, a aktuelna blokada po dugu prema JKP „Radnik“ Zavidovići je u postupku rješavanja tako da od narednog mjeseca počinje redovno finansiranje i ove mjesne zajednice.

Za tematsku sjednicu na temu „Mjesna samouprava“ urađena je Informacija o stanju mjesnih zajednica na području Grada Zavidovići u kojoj je detaljno razrađen rad i funkcionisanje mjesne samouprave u posljednjih nekoliko godina. S obzirom da je Gradsko vijeće usvojilo Informaciju te donijelo Zaključak da se Izvještaj o radu i finansijskom poslovanju ramatra za svaku mjesnu zajednicu posebno, ovaj Izvještaj nije obrađivao svaku mjesnu zajednicu posebno.

Izvještaji su rađeni na unificiranim obrascima koje će predsjednici podnositi Gradskom vijeću pojedinačno.

Akt pripremila:

(Selma Džaferović)

Akt pregledao:

(Idriz Alihodžić)

Akt pregledao:

(Nermin Čahtarević)



GRADONAČELNICA

mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu



Broj: 04-45-18/25-AP-116

Datum: 10.7.2025.godine

STRUČNA SLUŽBA GRADONAČELNICE

- O v d j e -

Predmet: Izvještaj o radu i finansijskom poslovanju mjesnih zajednica za 2024.godinu,
dostavlja se-

Poštovani,

U prilogu akta dostavljamo Vam Izvještaj o radu Službe i pojedinačne izvještaje o radu i finansijskom poslovanju mjesnih zajednica za 2024.godinu na dalje razmatranje i upućivanje prema Gradskom vijeću Zavidovići.

1.Naslovu,
2.a/a.



POMOĆNIK GRADONAČELNICE
dr. driz Alihodžić, prof.

Alihodžić

At pripremila :

Selma Džaferović

(Selma Džaferović, dipl.politolog)